

बिणजारी ऐ हस हस बोल,  
प्यारी प्यारी बोल,  
बाता थारी रह जासी,  
म्हाने सौदागर मती जाण,  
बाता थारी रह जासी ॥

कंठी माला काठ की रे,  
ज्या में रेशम सूत,  
सूत बेचारा क्या करे,  
ज्यारे काटन वाला कपूत,  
बाता थारी रह जासी,  
बिणजारी ऐ हंस हंस बोल,  
राजी राजी बोल,  
बाता थारी रह जासी ॥

रामा थारे बाग में रे,  
लाम्बा पेड़ खजूर,  
चढे तो मेवा चाकले,  
पड़ता रा चकनाचूर,  
बाता थारी रह जासी,  
बिणजारी ऐ हंस हंस बोल,  
राजी राजी बोल,  
बाता थारी रह जासी ॥

बालपने भजियो नही,  
कियो न हरी से हेत,  
अब पछताया क्या होय,  
चिड़िया चुग गयी खेत,  
बाता थारी रह जासी,  
बिणजारी ऐ हंस हंस बोल,  
राजी राजी बोल,  
बाता थारी रह जासी ॥

बालद थारी लद गई हो,  
गयी लागम लाग,  
रामानन्द रा भण कबीरा,  
बैठी मोजा मार,  
बाता थारी रह जासी,  
बिणजारी ऐ हंस हंस बोल,  
राजी राजी बोल,  
बाता थारी रह जासी ॥

बिणजारी ऐ हस हस बोल,  
प्यारी प्यारी बोल,  
बाता थारी रह जासी,  
म्हाने सौदागर मती जाण,  
बाता थारी रह जासी ॥

स्वर नीता जी नायक ।  
प्रेषक Bhavesh jangid  
8769242034

Source: <https://www.bharattemples.com/binjari-re-has-has-bol-bata-thari-rah-jasi/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>